

Tatai toa, e ere te Tavana e te haava, o te hihiano i te hoe hohoa o tei nei oia, afa i mai ia e 3 farane no na avae eloru.

Faanu mai ia Tepito te nei parau i Papeete.

TE VEA NO TAHITI.

Ei haaparare raa i te parau rii api e faufaa hia i to te ma enua i roto i te Hau Tamaru; e noia i te mau mahana maha toa.

O te feia hoo, taua, e te mau taua e haapao i te taua taua, e hia ia ia nei i atoa hia te ratou mau parau faate i roto i te nei. E faa i mau mai ratou i farane no te nei hoe.

Faanu mai ia Tepito te nei parau.

PAEAU PARAU NO TE HAU.

NO TE ASENSA I FAREUTE.

E tau mahana maoro aenei tei mairi, e aore a e parau rii i faate n a hia tu, no te asena rahi ra i Fareute. E vahi huru au ore atoa ra hoi te haamoe raa i tei reira ohipa rahi faahiaha, no te mea: no te itoitaita rahi o te mau ohipa e rave hia ra i reira, te rahi o te mau fare e faatia oia hia ra, mai te ohipa a te tahutahu ra te huru; te rahi o te mau pahi e tatai hia nei i reira; e no te rahi atoa hoi o te mau ravea e imi hia ra i te tau-turu raa i te mau pahi tarepa, te itea papu roa hia nei e, tei reira mau a te tumu o to Tahiti nei maitai raa, e te ruperupe raa, a muri atu. E ore roa hoi matou e haameremere noa e i te parau raa e: o Fareute te asena i hau roa i te rahi e te maitai, i to te mau fenua toa i roto i te Moana Patititi nei.

I roto noa iho hoi i na avae e maha i mairi aenei, a vau aenei ia tau pahi rarahi, i roohia i te hepohepo, i tatai hia i roto i taua asena ra; ua opania roa hia te riu o taua na pahi ra, e ua reva ratou i to ratou tere.

O te pahi rahi ra hoi a *Mercedes Montes*, oi tomo roa ia i tua, i roto noa iho ra hoi i te avae iho hoe nei, ua huri hia oia, ua totamu hia, e nebenehe roa aera; e te rahi o tana moni i pau, i te tarahu raa i tei reira toara mau ohipa rarahi, e 2,610 noa iho ia farane.

O te pahi ra hoi o *Alabama*, ua to roa hia ia i nia i te vahi tatai raa; ua tiai hia te mau vahi i pe, ua o tamu hia te mau vahi fatafata, e ua tapiri hia hoi tehoe maa taere api; e 676 farane anae ra, tei aufau hia mai no tei reira ohipa.

Ua manao hia na hoi e, e mahere na pahi rarahi ra o *Emily Taylor* e o *Ellen Brooks*, i te hoo pate hia, no te mea e, ua pe roa, hoo mau hia tura hoi o *Ellen Brooks* no na farane 2500. I teienei ra hoi, ua tatai hia taua na pahi atoa e piti ra, e ua maitai roa. E 5706 noa iho farane i pau i te tatai raa ia *Emily Taylor*; e ia hope mai na mahana e piti ahuru ma ono, i te tatai noa raa i tei reira pahi, faauta faahou atura oia i tana hinu rahi, e ono atoa tauatini paero, e i na mahana i mua nei, e reva i oia i tana vahi i opua ra. Area ra tetahi iho pahi, tatai atoa hia tura ia e te fatu api, e e 4317 noa iho farane i aufau hia e ana no taua ohipa ra. Ua faariro hia oia i teienei, ei pahi haaputu raa toa. e e mahere i te rahi te moni e roa mai no te tarahu i te mau toa e vaiho hia i reira; e e ore e roroa

rea, ua hoona roa hia ia to moni i pau i te hoo raa, e te tatai raa i taua pahi ra.

I muri ae i taua na pahi ra; tatai hia iho te hoe pahi rahi farani o *Damblat* te ioa, o tei uta mai i na eao 110 mai *Tarifonia* mai; ua hepohepo roa hoi ratou i te rahi o te riu. I roto ra hoi i na tapati e piti nei, oti roa aera oia i te tatai hia; te toa hoi i na iho i taua pahi ra, ua tau hia ia i roto i te mau fare haaputu raa toa a te hau, e te mau eao hoi ua faanoho atoa hia ia i roto i te mau fa e a te hau. No reva aenei tana pahi ra: ua faate papu mai ra te raatira i tona faahiaha, e te mauruuru i te hio raa i te nebenehe e te otoi. o te mau ohipa toa i rave hia i reira. E 6526 farane i pau i te tatai raa i tei reira ohipa.

Aore a te pahi ra o *Dumont d'Urville* i oti i te tatai hia; e ore ra e rahi rea te moni e pau i tei reira ohipa.

O tetahi atu a hoi pahi, o *Orpheus* te ioa, ua hoo hia ia i na mahana i mairi aenei, no na farane 16,200. E mahere atoa hoi tei reira i te tatai hia, e i te faatere faahou hia i tua, o te hinu ra hoi i faauta hia mai e taua pahi ra, te vai noa nei a ia i uta nei, te tiai hia nei hoi tehoe pahi api ei faauta i taua hinu ra i Marite.

Raverahi atu a hoi te pahi i tatai hia, e ua reva nae te mau raatira ma te mauruuru rahi i to tatou nei fenua.

Itea papu hia tura no roto i teie atoa nei mau parau rii, te faufaa rahi e faatupu hia nei e te Hau Tamaru o Farani, i nia iho i teienei mau fenua.

Te faate atoa hia tu nei hoi vetahi mau parau no tetahi atu a ravea e faufaa rahi hia i teienei mau fenua. Te manao hia nei hoi e, e riro mau a na nanai pahi auahi marite, e te heretane, i te tapae mai i Tahiti nei. Te faate hia mai nei hoi e, ua opua papu to marite, e e tapae to ratou mau pahi ionei; e ua faaau hoi te hau farani e te mau fatu o te nanai pahi auahi heretane, e o faariro mau a ia Tahiti nei, ei fenua tapae raa no to ratou mau pahi. No te mea ra hoi e, aita taua feia ra i te maitai i te faufaa e roa ia ratou i teienei fenua, i faate hia tu ai te mau parau rii i mua nei, tei itea papu hia e te taata toa.

No haamana noa hia aenei te ture no te aufau raa i te moni no te haapii raa, tei faatia hia e te apoo raa iriti raa ture no teienei matahiti. O na mataeinaa ra hoi, e moti i Haapape haereroa i

e Paea, ua aufau mai ia i teienei tau moni i faa-
ite hia mai i muri nei; oia hoi :

	farane.	cenetima.
Haapape	70	80
Papaoa	69	50
Faaa	97	50
Punaauiia	95	00
Paea	93	50

Ua mairi roa te mataeinaa ra o Papeete i mu-
ri, e no reira i faaite hia 'tu ai i teienei, ei ao
raa rii atu ia ratou. Area ra tabi paeau mataei-
naa aita 'toa ia ta ratou moni i tia i te aufau raa
mai; ta to Papaoa, te toe nei ia tehoe paeau ra-
hi, ua huru fatata te vachaa tia; o te haava anei
teihapa, e o te mau metua anei, tei ore i aufau
mai i te moni mau i titau hia tu e te ture? Te
parau maira hoi te irava 6, o te ture e; o te
mau metua e patoi, e aore i aufau mai i te moni
no te haapii raa i ta ratou mau tamarii, e haava
hia ia, e e faautua hia. E arara ia ratou! Te ao
hia 'tu nei hoi ratou i teienei, o ratou e te mau
haava 'toa hoi i haapao hia, e e titau haere i
taua moni ra.

Te haere hia nei ma te maru i teienei; area

ra i mua nei, e aufau mai ia te haava i te hopea
o na avae atoa e toru, i te moni mau i haapao
hia no te mau tamarii atoa i-roto i taua haapii
raa ra; te tamarii tamaroa, e te tamarii tamahi-
ne atoa hoi. E papai atoa hoi te orometua o te
haapii raa i tona ioa i raro ae i taua parau ra.

*Te mau pahi i tapae mai, mai te mahana 29 mai
a no selemā.*

Tira piti farani o *Aorai*, tapena Taylor, mai
Tarifonia mai.

Tira piti beretana o *Owen*, tapena Bell, mai
Vailhi mai.

Te mau pahi i reva.

Mannu farani o *Sarcelle*, tomāna Feré, ua
reva i Matuaita.

Tira toru faranio *Damblat*, tapena Blanchard,
ua reva i Panipe.

Te ee no te Tavana : BRIOT.